



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tiryimyim@aolima



tir yimyim

TAPAK 8

Cyclone Michaung agi kongshirtem nem sen 6,000 agütsütsü: MK Stalin

Nick Kyrgios Australian Open nung masayatsü



VOL. XXI NO. 63 (ADOK 63) DIMAPUR AMUNGNÜ (SUNDAY) LUCHII (DECEMBER) 10, 2023 ₹ 5.00

Parliament nung Manipur onük benoktsüla: Congress

Imphal, December 9, 2023 (Agencies): Manipur Pradesh Congress Committee (MPCC)-i Centre dang Parliament winter session nung Manipur teblemtsü onük benoka jembitsü atema shidi ka zülüogo.

MPCC-i Manipur MP tem-RK Ranjan Singh, Lorho S Pfoze aser Maharaja Leishemba Sanajaoba nunger nem memorandum agütsü.

“Ita tenet tashi timtema aruaka Manipur nung yimjung aser tensa süngjema akümtsüsa mangur.

Item tatalokba ajanga Manipur-i terenlok tsütsü tangar memener aser nübertem timtemba aser okrongba onsara kümogo” ta MPCC vice president Hareshwar Goshwami-i ashi.

Pei talidak toktür aoertem asoshi rehabilitation & restoration nungdaker aser parnok nem security peria agütsütsüla. Ano senotsü temenok agütsütsüla aser tensa süngjema akümtsü atema mapa inyaktüla, ta MPCC-I züluba memorandum nung shia lir.

Mizoram sorkari boundary committee ka tentettsü

Aizawl, December 9, 2023 (Agencies): Mizoram sorkari kidanger state tem den artsü ken o angatetepsü atema state-level boundary committee tentettsü ta Chief Minister Lalduhoma-i ashi.

Mizoram-i Assam, Manipur aser Tripura den kilometre 325 agi artsütepa lir.

“Boundary committee ka tentettsü aser ozü lennirtemi iba committee nung sendaktepa alir ajak adentsüsa mapa inyaktü” ta CM Lalduhoma-i ashi.

Ozü sorkar indang tongtipang mapatem rongnung state artsü kümzüka ayutsüba ka asütsü ta paisa ashi.

“Ni Assam CM Himanta Biswa Sarma den ajuruteptsü

aser olemteptsü. ZPM sorkar mapang Assam-Mizoram artsü mangatetep lendong mataloktsü imlar” ta Lalduhoma-isa ashi.

Mizoram-i Manipur aser Tripura denbo artsü ken o balaka mali saka Assam den küm aika mangatetep lia arur aser tanü tashi mebantet lir.

Mizoram kübok district asem- Aizawl, Kolasib aser Mamit ajanga Assam kübok Cachar, Karimganj aser Hailakandi district tem den artsütepa lir.

British yimsüsüba mapang 1875 aser 1933 nung artsü anaben ladangba ajanga Mizoram o Assam tsüngda artsü mangatetep adok.

Hornbill Festival tajung saka jenjang kanga tasak

Kohima, December 9, 2023 (TYO): Hornbill Festival reprangi arur aikati iba benjung ya benjung tajungtiba ta shiogo aser parnoki inyaktütsünüa bilemba olen kar lemsatepogo.

“Küm 6 sülen Hornbill Festival nung adentsü aruba atema kanga pelar. Kümtem süia arudang temelenshi ajiteter. Nagaland indang handicrafts aser handlooms ya jungrara” ta Arunachal Pradesh Chief Minister Pema Khandu-i visitor’s diary nung zülü.

Colombia nungeri Nagaland nung aliba nübertem nem tenüngsang agütsür. Iba ama benjung tajung ayonga amongba atema tenüngsang agütsür” ta Colombia nungi Victor E.-ia zülü.

“Onoki tang mezüng semdang. Kanga dang temlung asür. Kanga junger. Onoki imlaba dang nungi tajungba. Maneni takok angutsü moatsür” ta actress Deepika Padukone tebu Prakash Padukone-ia ashi.

Külen, Dimapur nungi Moon ta ser nisung kati Kisama nung online transactions atema WiFi facilities agütsütsü aser phone charging stations lapoktsü tebilemba ka lemsatep.

“Kanga junga mongogo. Junga anepalur aser inyakyim tajung saka parking space ilara” ta trader and YouTuber Capt Eddy Arsh-i ashi.

“Benjung kanga junger aser onoki tesem ka nung Nagaland nung kin ajak angutsü maongka angur. Ajisüaka chiyungtsü jenjang kanga onsara. Ano angati metsümeshidak alitsüla” ta Bangalore nungi Sohan-i asi.

“Tenemlen alirtem indang sobaliba aser inyaksangshi ngua kanga pelar. Iba ama sobaliba benjung ajanga Naga sobaliba aser inyaksangshi tali meteta akümer. Iba benjung ayonger dang kanga pelar” ta Golaghat Assam nungi Hewlal Upadhaya-i ashi.

“Iba benjung nung aika ajangshiogo. Gari lenmang tajungba kümdaktsünür” ta Goa nungi Golda Gonsalves-ia ashi.

“Hornbill 2023 ya ni mezüng Kohima semdangba mapang. Iba benjung ya sobaliba sayadak tajung ka lir. Traffic ketdangsubaren tajung, Naga nungeri temeim sayuba aser pelashishia agizükba atema pelar saka taxi fare kanga tasak. Administration-i hornbill bus tem amshi nung junger” ta Dehradun nungi Abhishek Rawat-ia ashi.

Nisung lakh 1.25 temai Hornbill Festival nung denogo



(Temalen) December 9, 2023 nü Kisama nung NEZCC cultural artists-i Unity dance aiba angur. (tsünglanglen) Sumi – Angushu kighikile (Tiger’s hunt) ia sayuba angur.

Kohima, December 9, 2023 (TYO): Hokolbar tashi nung nisung lakh 1.25 temai Naga Heritage Village, Kisama nung amongba Hornbill Festival nung denogo.

Kisama nung anogo 8 tashi benjung monga arudang nisung 1,25,499 tashi aru. Pamokji locals 91,277, domestic tourists 32,057 aser foreign tourists 2,015 liasü, ta Tourism Department ajanga metetdaktü

Nisung teimtiba arubaji December 3 nü liasü aser iba anogo Kisama-i nisung 18,002. Pamokji locals 12,578, domestic tourists 5,001 aser foreigners 423 liasü.

Tanü agi anogo tugububa amongba dang nisung teimba arur kechiyong Nagaland nung kin 18 den ano North East Region nung state 8 nungi telok balalai parnok sobaliba sayur.

Nagaland nungi kin balalai Cultural Connect ajanga tesentepertem dang sobaliba balala sayur. Iba sentong ya Art & Culture Department ajanga

ayongzüka agir. Külen, North East Zone Cultural Centre (NEZCC) Dimapur-i “Colors of Northeast India” ta ser sentong ka agiba nung NE State 8 nungi telok balalai sobaliba shilemtem agiogo.

Sangeet Natak Akademi Awardee & NEZCC Director Dr. Prashanna Gogoi ketdangsuba kübo Rajesh Boro, Anjoy Kachari, Brajen Baro aser Rajib Baro nungeri yaria folk dance with live music sentong agi.

Mizoram, the land of Highlanders-i Cheraw dance, Arunachal Pradesh, the land of Rising Sun-i Rikhampada dance, Tripura, the land of handicrafts & Music-i Hojagiri dance, Sikkim, the land of Snow Lion & mountains-i Tamang Selo dance, Manipur, the land of Jewels-i Lai Haraoba dance, Meghalaya, the abode of Clouds-i Wangala dance, Assam, the Land of Red Rivers & Blue Hills-i Bihu dance aser Nagaland, the land of Festivals-i Nzanta dance

shilemtem agia liasü.

Tanep agiba session nung Nagaland nung kin 18-i shilem agiba:

Pochury – Deyjang Rey Rey (folk song of the East), Rengma – Mezokhwe (Wedding song), Phom – Umo Esho (Love songs), Sangtam – Shong Ngutaba (Top spinning), Lotha – Yantsso Khen (Rikhyo khen) dance, Sumi – Angushu kighikile (Tiger’s hunt), Konyak – Tsai Si, Tikhir – Tsioh Lakti (Traditional women’s indigenous game), Khamniungan – Hailaiam (Traditional marriage), Yimkhiung – Muyimru (friendship dance), Chang – Odang Onet (Group Demonstration), Zeliang – Hanglei-lim, Chakhesang – Dame phisho (folk song), Garo – Dim dim chong (folk song), Ao – Horak lanu (Leisure game), Kachari – Khopri Sibnai Mwsanai, Angami – folk dance aser Kuki – Lom Lam (Lom Dance).

BJP-i state 3 nung CM meshimtetba atema lutsür

New Delhi, December 9, 2023 (Agencies): Ashok Gehlot-i lutsüba sülen Congress lennir Bhupesh Baghel-ia Rajasthan, Chhattisgarh o Madhya Pradesh nung BJP-i Chief Minister tem meshimba atema lutsüogo.

“BJP-i Rajasthan, Madhya Pradesh aser Chhattisgarh nung takok anguba sülen shibai Chief Minister inyaktü ta asüba ya ‘Kaun banega crorepati’ nung tatayuyuba ama kümogo” ta Chhattisgarh caretaker chief minister Bhupesh Baghel-i ashi.

December 3, 2023 nü Rajasthan, Madhya Pradesh, Chhattisgarh aser Telangana indang election results metetdaktü liasü. Hindi temlung nung aliba state 3 nung BJP-i takok angu aser Congress-i Telangana nung takok angu.

December 7 nü Revanth Reddy-i Telangana nung chief minister inyaktü tezüngzüntep agiogo aser par cabinet nung minister tem shima portfolios lemogo. Ajisüaka BJP tanü tashi state asem nung CM tenüngtem metetdaktü lir.

BJP-i Union minister Rajnath Singh, party general secretary Vinod Tadwe aser Rajya Sabha MP Saroj Pande nunger Rajasthan observers asütsü shimogo. Külen, Madhya Pradesh atema Haryana chief minister Manohar Lal Khattar, Asha Lakra aser Rajya Sabha MP K Laxman nunger aser Chhattisgarh atema Arjun Munda, Sarbanand Sonowal aser party general secretary Dushyany Gautam nunger shimogo.

Rajasthan nung CM inyaktü akok ta asüba nübo aika lir aser parnok rongnung taoba chief minister Vasundhara Raje dena lir. Nisungtemi Rajasthan dak tenük yoker kechiyong Vasundhara’er jabaso MP Dushyant Singh-i BJP MLA tem resort kati anir ao ta tai tonglokja lir.

State asem nung CM meshimba ajanga BJP aser Congress tsüngda tebang agi raratsü tenzüko.

“Onoki Ashok Gehlot-i aginüba Hombarnü inyaktü. Pa lenisüba kübok küm pungu tsüngda Rajasthan nung ochimashi, tejak reprangba aser par party sasep nung mangatetep adokba liasü. Tang pa anisüngsüktsüla” ta Union minister Anurag Thakur-i ashi.



Molungtok Rogo purtemi Dimapur nung Ao Kaketshir Telongjem Dimapur aser Dimapur Municipal Council nati yangluba lenmang, Yimkong sidewalk, merükteta inyaksüba noksa nung angur. Yimkong Sidewalk ya Forest aser PWD lenjem anasa lir. Iba tetsüng lenmang ya feet 600 dak tali talang lir aser lenmang songtema long jara nung 2018 küm AKTD Golden Jubilee mapang Aor kaketshirtemi tanü tensa den apet noksa tapu balala yanglua lir. Molungtok Rogo purtem ya küm 40 jakdang Dimapur College nung azünger aser AKTD nung lenirtem lir. Iba Yimkong Sidewalk ya AKTD purtemi 2018 küm nungi kibur küma anepalur. Ibai Dimapur nung Ao kaketshirtemi Dimapur yimti topur jungdaksütsü inyakba sentong ka lir. (Dimapur, December 09, 2023)

HIPFEST sempet agütsüba sentong agiogo

Dimapur, Luchii/December 9 (TYO): Department of Information & Public Relations and Department of Tourism den longjemmer Portrait Enterprise-i, HIPFEST 2023 atema sempet agütsüba sentong Naga Heritage Village, Kisama nung ayongzüka agiogo. HIPFEST tetoktepba ya "The Nature Canvas-Celebrating the Beauty of Nagaland" omen nung ajemdaker agia liasü. Sempet agütsüba sentong nung o tatsüka jembiba mapang Director of Information & Public Relations, Dzüvinuo Theünuo-i, iba sentong takok nung ayongzüka agiba atema tetendangertem aser Portrait Enterprise Proprietor, Ababe Ezung nung nem tenüngsang agüja liasü. Lai ashiba agi, Hornbill International Photography Festival ya

kümshia Hornbill benjung nung shilem ka ama department-i ayongzüka agia arudar. Theünuo-i ashiba agi, photography ya art ka aser iba tejangraba ya remsepa meyoxtsü atema tejangrartemi maneni noksa tangoka alitsüla. Kasa mapang nung Portrait Enterprise Proprietor, Myingthungo Ababe Ezung-i, taruba kümbo HIPFEST ya International jenjangi ajungkettsü koda tongtibang iba indang lemsatp. Paisa, tetoktepba nung shilem agirtem aser iba sentong nongita yariba atema department dang kanga pelaba lemsatpba den taruba kümbo nisung timbai iba tetoktepba nung shilem agitsü imlaba lemsatp. Taküm ajak senteper iba tetoktepba nung nisung 84-i shilem agia liasü. Kija tetoktepba Khonoma nungi Pelevizo Meyase-i akok

aser pa nem senpet sen 40,000 agütsü. Tanabuba jenjang nung Mon nungi Atam Wangsa nem senpet sen 25,000 aser tasembuba jenjang nung Phek nungi Duvo Ruho nem senpet sen 15,000 agüja liasü. Best Landscape tetoktepba Morotsung Longchar-i akok; Best Portrait tetoktepba Muchi Domeh-i akok aser Best Wildlife tetoktepba Limasunep-i akok aser parnok asemprongla nem senpet sen 10,000 agüja liasü. Senpettem ya Director, Tourism, Keduosie-ü Metha-i Director (Films) Ministry of Information & Broadcasting, GOI, Armstrong Pame, IAS matsüngdang lemja liasü. Maneni tetoktepba nung shilem agir ajak dang senpet aser kuli kaket agizütsü atema iba Ph. No- 8837262093 den tongteprateptsü asoshi mepeshia metetdaksüogo.

Angh Ganesan-i 1buba North East Gorkha Cultural Festival maotsü



Dimapur, Luchii/December 9 (TYO): December 9 nü Singrijan yimtsüng nung 1buba North East Gorkha Cultural Festival ayongzüka amungba mapang Nagaland Angh La Ganesan alakteta jaoker liasü. Sentong nung o jembiba mapang Angh La Ganesan-i, Gorkha nung takar sobaliba ajanga North East India nung sobaliba balala aliba tali tebur tajungba küm daksü ta ashi. Angh-isa, iba benjung ya pelatepa benjungtepba dang masü saka telongjem aser tashi temaitsü lir ta ashiba den iba amala benjung ajanga sobaliba maitsü tali tashitaiba küm daksü aser ka küma

longjemshidaksür, ta shisem. Sobaliba aser libaliro tajung wazüka ayutsü aser ajungkettsü ajungshiba den külem pai iba tesem nung kin aser lokti tent balala den ka ama tesunep nung alitsü atema angazütsü ajungshia liasü. "Asenoki asen sobaliba wazüka ayuba den ajungketa tetsü tebou nem aküim tetushi agütsüti aser tarutsü tajungba ka yangertsü merangdi, aji ta asünungdang asen dak nungi jangzükertem asen mapa ajanga nema adangtsü," ta pai ashi. Paisa, Gorkha nungertem aika Nagaland ya pei ki jar lidar aser parnoki linük aser state asoshi tanen makai mapa tajung

aika inyaksüdar. Parnoki Indian army nunga tongtibang shilem agia linük kümzüka ayuba nung tongtibang shilem agidar, ta ashi. Maneni Angh-i iba ama sentong tajung ayongzüka atema Hamro Chinhari North East India, Nagaland state nem tenüngsang agütsü aser iba benjung ajanga telongjem aser sobaliba ajungkettsü atema ajungmesotsü, ta ashi. Iba sentong nung Lok Sabha, MP, Darjeeling, West Bengal Raju Bista, DIG, 6 Sector Assam Rifles, Brig. SK Shukla aser Advisor Information & Technology, Government of Sikkim, Tenzing N. Lamtha nungeria shilem agia liasü.

AR-i tintet rogotem nem teyari agütsü

Dimapur, Luchii/December 9 (TYO): Assam Rifles-i jenjang tajung ka agi December 9 nü tintet rogotem nem Hornbill benjung nung tajangshiba tajung agütsütsü nükjidong nung inyakyim tajung kar benoka inyakogo. Benjung nung shilem agir tintet rogo 25 atema Assam Rifles-i service balala agüja liasü. Service tem rongnung tintet rogo tem anisüngzüka sentongtem reprangtsü atema parnok asoshi mejeta menden mekazütsüba aser parnok kechia minprong

makai sentongtem j a n g r a d e m a reprandaksütsü atema training agir aliba personnel temi parnok anepalua liasü. Iba sobaliba sentong koda tongtibang aser iba ajanga loktitem dak koda kongshir aji reprangteta, iba Hornbill benjung nung arishi küm tasazük kecha makai ajak nem shilem agidaksütsü nükjidong yur Assam Rifles-i bendanga agüja inyakdar. Iba inyakyim ajanga lokti asoshi AR bendanga agütsür parnok kechia minprong aliba tali jangja sayur.

Lucy Tungoe-i Naga Chef season 10 kokogo



Dimapur, Luchii/December 9 (TYO): December 9 nü Kisama Naga Village nung Lucy Tungoe-i Naga Chef season 10 kokogo. La nem senpet sen 300,000 agüja liasü. Tetoktepba nung top four tetoktepertem rongnung Kazusangba Jamir, Lucy Tungoe, Paotinsem Kuki, Yashimenla Longkumer

Kisama nung Entrepreneurial Round nung tokteptsü asoshi shima liasü. Iba tetoktepba ya Alemjungla Jamir, Nuneseno Chase, Rovi Chasie aser Sentila T Yanger nungeri tendanga liasü. Naga Chef tetoktepba ya Synergy Group Enterprise-i ayongzüka aser Department of Tourism, Government of Nagaland-i nongita yaria liasü.

Methaneilie-i 'Nagaland City Koribole' ken remix ka sayatsü



Kohima, Luchii/December 9 (TYO): Nüngtugu Nagamese kentener Methaneilie Jütakhrie Solo-i pai mejema atenba nüngtugu Nagamese ken 'Nagaland City Koribole' indang remix ka sayatsü renema lir. Methaneilie ya Kohima yimtsüng Tsütuoonomia Khel nungi nüngtugu Tenyidie aser Nagamese kentener, ken mejemer aser musician ka lir aser pai ashiba agi, pa ken remix

version nung state kübok district tasentem tenüng bendenloka lir. Paisa, iba ken ya kar maksütsütsü mesüra temulung yirutsütsü atema masü saka benjung mapang ajaki pelatepa angatsü asoshi lir, ta ashi. Iba ken video ya pa indang YouTube Channel - Methaneilie Jütakhrie Solo densema social media sabang balala nung Deobarnü nikongtsütsü 6 ako nungi tenzüka reprangtetsü.

Cyclone Michaung agi kongshirtem nem sen 6,000 agütsütsü: MK Stalin



December 09, 2023 nü Madurai nung AIADMK lenir, RB Udhayakumar den party lenirtemi tawa Cyclone Michaung ajanga takoksa angurtem nem teyari lema agütsüdüng tangokba noksa nung angur.

Chennai, December 09 (Agencies): Honibarnü Tamil Nadu Chief Minister, MK Stalin-i tawa state nung Cyclone Michaung lendong agi kongshirtem shia nem sen meyirjang trokrok (6,000) teyari agütsütsü, ta sangdong.

Sorkari iba cyclone agi kongshirtem nem ration shops nung senotsü teyariji agütsütsü, ta Honibarnü sorkari sangdong ka ajanga metetdaksü.

Iba dak alia tzümetüng ajanga alu nung takoksa angurtem nem-a senotsü teyari

Chief Minister leniba nung State Secretariat nung tongti ketdangsertem senden ka mena yipru aser tzümetüng agi kongshiba asadanga sülen CM-i iba osang metetdaksü.

MK Stalin-i tzünglu ajanga alu nung tsük densema aonsotsü raksaba (shilem 33 dak tema raksaba) ajanga takoksa angurtem nem alu hectare ka shia nung sen 13,500 teyari agüja aliba nungi tangbo sen 17,000 teyari agütsütsü, ta metetdaksü.

Iba dak alia küm ana dak tali aliba aonsotsü aser süngjanglidong takoksa angurtem nem hectare shia teyari sen 18,000 agüja aliba nungi tangbo sen 22,500 agütsütsü.

Cyclone ajanga tzünglu dak sendakba lendong nung asürtem kibong shia nem sen lakh 4 agüja aliba nungi tangbo sen lakh 5 agütsütsü aser azü ki raksartem nem sen 5000 agüja aliba nung tangbo 8000 agütsütsü, ta sorkari metetdaksü.

Kiralongra dak sendakba nung NIA-i tesem 44 mita ao; nisung 13 apu

New Delhi, December 09 (Agencies): Kiralongra asalentong anema Honibarnü National Investigation Agency (NIA)-i Karnataka aser Maharashtra na nung tesem 44 mita aoba mapang nung nisung 13 puogo, ta osang ka ajanga metetdaksü.

Tai tonglokja alirtem aser parnok den inyaksemetemi ozüng alema kiralongratsü

asalentong yanglua telok tentetba ken o dak sendakba nung NIA-i tesem 44 mita ao.

Hombarnep nungi NIA-i state ana nungji tesem aika mita ao aser iba ken o dak sendakba nung Pune nung nisung 13 apu.

NIA-i mita aoba tesem 44 rongnung Karnataka nung tesem ka, Pune nung tesem ana, Thane Rural nung tesem 31, Thane city

nung ka aser Bhayander nung tesem ka densema lir.

NIA-i Maharashtra aser Karnataka nung police teyari agia item tesem mita ao.

ISIS aser al Qaeda kiralongrar teloktemi parnok tangatetba alir lanurtem ayongdena India nung kiralongratsü aser Islamic yimsüsüba benoktsü meranger.

MP nung BJP MLA 163-i CM shimtsü

New Delhi, Luchii/ December 09 (Agencies): Tawa Madhya Pradesh Assembly election nung BJP-i takok anguba sülen tang tashi party-i Chief Minister meshim, ajisüaka Hombarnü (December 11) Central Observers-i ketdangsüa party MLA 163-i chief minister shimtsü.

November 17 nü Madhya Pradesh nung assembly election agi aser iba election nung BJP-i assembly menden 230 nungi menden 163 nung takok ngua liasü.

Madhya Pradesh nung chief minister shimtsü atema party-i Manohar Lal Khattar, K Laxman aser Asha Lakra

nunger central observers shima lir. Amongnü nikongdang mesüra Hombarnep central observer tem Madhya Pradesh tonga aoba sülen parnok leniba nung senden mena MLA temi CM shimtsü.

Tawa agiba election nung BJP-i chief minister candidate tenüng mesangdongi liasü. Iba state nung party lenir Shivraj Singh Chouhan chief minister teinyakdak liasü. State nung BJP nungi chief minister mapang talangtiba inyaksangji Chouhan lir, ajisüaka tangbo party-i chief minister menden atema Other Backward Classes (OBC) nungi lenir ka shimtsüa akok.



PURANA BAZAR BRANCH
N H 39, Kohima Road,
Purana Bazar, Dimapur, Nagaland
Email: vjdipu@bankofbaroda.com

KIOJEN AGIBA NOTICE (Mebelenshitetba kiojen dang)

Securitisation & Reconstruction of Financial Assets and Enforcement of Security Interest (Second) Act, 2002 aser Security Interest (Enforcement) Rules, 2002 kübok section 13(12) den Rule 3 nung agüja aliba tashi nung ajemdaker tsünglanglen sign süa aliba **Bank of Baroda Authorised Officer Officer-i 14.09.2023** anogo nung Demand Notice ka ajanga sen apur **M/s. Yepthomi Enterprises, Proprietor Mrs. Temsumongla Imchen** dang notice nung shia aliba ama sen **18,97,910.60 (Rupees Eighteen Lakhs Ninety Seven Thousand Nine Hundred Ten and Sixty Paise only)** den Unapplied Interest aser tanga Charges agüjang, ta tuyua liasü.

Ajisüaka sen apuri senji magütsütet nung sen apur aser nüburtem dang iba Act kübok Section 13 sub section (4) aser Security Interest (Enforcement) Rules, 2002 indang Rule 8 nung agüja aliba tashi amshia pa/lai **2023 küm December 8** nü tsünglanglen shia aliba kiojen agiadokogo, ta sangdonger.

Talisa sen apur aser nüburtem dang iba kiojen dak sendakba nung kecha inyaksangshi masütsü metetdaksür aser kari danga tetuyuba anema inyakra Bank of Baroda-i sen **18,97,910.60 (Rupees Eighteen Lakhs Ninety Seven Thousand Nine Hundred Ten and Sixty Paise only)** den Unapplied Interest aser tanga Charges meshitsü.

Sen apur dang iba Act nung Section 13 kübok sub-section (8) nung aliba ama mapang shidak nung item kiojen alangzüksü atema inyaksü metetdaksür.

Kiojen osang tejangja:

Flat No. Patta No. 837, Dag No. 950, Block No. 9 of Dimapur Mouza No. 2, Area 00B-00K-19L, PWD Colony Dimapur, Nagaland nung Mr. Bendangsashi Imchen tenüng nung aliba kiojen ajak.

Bounded:

North tsütsülen: Mapulemba'er kimong aser lenmang, **South tsütsülen:** lmtongjungba'er kimong, **East tsütsülen:** Mapulemba'er kimong den lenmang aser **West tsütsülen:** Mapulemba'er kimong.

Date: 08.12.2023

Place : Dimapur

Nenei Hangshing
Authorised Officer, Bank of Baroda



PURANA BAZAR BRANCH
N H 39, Kohima Road,
Purana Bazar, Dimapur, Nagaland
Email: vjdipu@bankofbaroda.com

KIOJEN AGIBA NOTICE (Mebelenshitetba kiojen dang)

Securitisation & Reconstruction of Financial Assets and Enforcement of Security Interest (Second) Act, 2002 aser Security Interest (Enforcement) Rules, 2002 kübok section 13(12) den Rule 3 nung agüja aliba tashi nung ajemdaker tsünglanglen sign süa aliba **Bank of Baroda Authorised Officer Officer-i 30.09.2023** anogo nung Demand Notice ka ajanga sen apur **Mr. Heru Bowmick** dang notice nung shia aliba ama sen **2,42,312.91 (Rupees Two Lakhs Forty Two Thousand Three Hundred Twelve and Ninety One Paise only)** den Unapplied Interest aser tanga Charges agüjang, ta tuyua liasü.

Ajisüaka sen apuri senji magütsütet nung sen apur aser nüburtem dang iba Act kübok Section 13 sub section (4) aser Security Interest (Enforcement) Rules, 2002 indang Rule 8 nung agüja aliba tashi amshia pa/lai **2023 küm December 8** nü tsünglanglen shia aliba kiojen agiadokogo, ta sangdonger.

Talisa sen apur aser nüburtem dang iba kiojen dak sendakba nung kecha inyaksangshi masütsü metetdaksür aser kari danga tetuyuba anema inyakra Bank of Baroda-i sen **2,42,312.91 (Rupees Two Lakhs Forty Two Thousand Three Hundred Twelve and Ninety One Paise only)** den Unapplied Interest aser tanga Charges meshitsü.

Sen apur dang iba Act nung Section 13 kübok sub-section (8) nung aliba ama mapang shidak nung item kiojen alangzüksü atema inyaksü metetdaksür.

Kiojen osang tejangja:

Flat No. Patta No. 840, Dag No. 1124, Block No. 6 of Dimapur Mouza No. 1, Area 00B-00K-06L, Netaji Colony Dimapur, Nagaland nung Mr. Hiru Bhowmick tenüng nung aliba kiojen ajak.

Bounded:

North tsütsülen: Tetsüng lenmang/babul Kar'er kimong, **South tsütsülen:** Kilnetsü aodak, **East tsütsülen:** Ganesh Saha'er kimong aser **West tsütsülen:** Bhola Bhomick'er kimong.

Date: 08.12.2023

Place : Dimapur

Nenei Hangshing
Authorised Officer, Bank of Baroda



December 09, 2023 nü Raj Bhavan Durbar Hall, Hyderabad nung Telangana Angh, Tamilisai Soundararajan-i Telangana Legislative Assembly nung Pro-tem Speaker tasenba, Akbaruddin Owaisi (abelen nungi tanabuba) nem tetushi agütsüdüng tangokba noksa nung angur. Kasa noksa nung Telangana Chief Minister, Revanth Reddy-a angur.



TIR YIMYIM YIMOBILEM (EDITORIAL)

DIMAPUR AMUNGNÜ, DECEMBER (LUCHII) 10, 2023

Temeshiba metsü prokang

Asenok taküm nung teinyaktsü aika lir aser item teinyaktsütem rongnung temeshiba metsü proktsüba mapa ya kanga tongtibang lir. Apijemtsü Shin tapu 11 tekong 18 nung ashir, temeshiba metsü proktertem asoshibo chichiba sempet yuja lir. Aji süra, temeshiba metsü ya kechi aser kong nungi bener arua kong proktsü (?) ta asenoki tanübo sarasadema bilemdangdi. Laishibaisa ashir, Tsüngrem ya temeshi aser Pai asenoka Pa ama temeshi lidaktsüner. Aji oda, temeshiba ajak Tsüngrem nungi aser temenen shisatsü ajak mojing nungi angur. Anungji, kodang asenoki Tsüngrem temeshibaji bushidir, idangji asenoki temeshiba metsüjangji angutsü aser itemji asen alidak aseni inyakba mapatem aser asenoki jembiba o tem ajanga proktsü. Aji oda, anogo shia Tsüngremer temeshiba bushiba mapa nung nisunger tajangzük tulu lir ta Laishibai kuli agutsür. Mathi tapu 6 tekong 33 nung ashir, asenoki Tsüngrem yimli aser Pa temeshiba bushira, asenok nungdak ajak ataloktsü. Atangji, alima nung nisung taküm ka temeshi alitsübaji tasak saka kodang nisung kati pei taküm meshiteta lidir, kecha shisabolutsü mali, asen nungdak ajak Tsüngremi inyaktsütsü. Aji oda, temeshi metsü proktertem atem sempet yuja alibaji kotak nung dang masü saka alima nunga jenti yuja lir ta angateter. Yisu temang iba lima nungi piladang, Pai asenok anepalutsü asoshi tenüla temeshi yoktsü nangzük. Aji oda, iba tanüla temeshi jagi anogo shia asenok anüker, asenok anir, asenok anepalur aser asenok nem telemtetba shitak agidaktsür. Asenoki asensasa alir amai bilema alitsüa akok, saka asen madak kibur aser lenir ka lir, ibaji Tsüngremi yokba tanüla temeshi, anungji iba tanüla temeshii mulungba nung asenok alitsübaji kanga tongtibang lir. Asenoki taküm nung Tsüngrem temeshibaji jungkai adoka alitsü atema asenok bilemba, asenoki inyakba aser asen jakla yimya ajak nung Tsüngremi mulungba meteta inyaktsüla. Asenoki aiben tangar anema majung bilemer, tenük meremer, tenük tasen adoker aser azüaponger, itemji temeshiba metsü agütsüsang nungi masü. Asenoki inyaksangshi nung aiben tangar metsüdaktsüsa inyaker, asenoki tebang agibo tajung jembir saka mapa agibo mesayuteter. Ibayongji asenoki temeshiba metsü proktsü melena temenen metsü proker akümer. Iba jagi aiben Tsüngrem nungi sempet tajung angutsü melena lendong aser takoksa-ang ajurur. Aji oda, nai Tsüngrem temeshiba metsüji na aolen proka jajadar ta nai bilemer asü ? Mesüra nü mulungjang nungbo tesempatsü mapatem, koba ajanga tanüla temeshii nu taküm nung mapa meinyakteter, item temenen mapatemji dang bilemer ? Atangji, temeshi mapa inyakba mesüra temeshi metsü prokba nung tajangzük aser sempet tulu lir. Mezüng Peter 1 tekong 15 nung ashir, " Tsüngremi shibai asenok aja, Pa koma temeshi lir, asenoka yamaji asen jaklaliro ajak nung temeshi alitsüla." Alima nung yimya ka lir, ibaji aseni kechi prokdir, ibaji asenisa arotsü. Aji oda, asüng asenoki temeshiba ajanga aruba sempet aser temoatsütemji aginüra, tanü asenoki temeshiba metsü proktsüla. Kechi koda asenoki asen taküm meshiteta alitsü meranger, yamaji asen bilemba, asen inyaksangshi aser asen jaklaliro ajak nung Tsüngremi aginüba ama meshiteta alitsübaji nisung ajak atema tajangzük tulu aketba mapa ka lir.

OLEMSABANG

NÜ WADANG KOKTETANG

- K. Temjen Jamir, Yimozülur, Tir Yimyim.

(Yashi adok nungi...)

(2) Yi ajemba aser Mozümora achiba :

Nagaland adenli tanga state-tem nungbo yi dokan aser yi jemdak bar lapoka yur ayoker. Item tesemtemji ajanga süirtemia dena alinüa aser jemnüa reprangtsüsa topur kanga junga renema yua lir.

Asen lima nunga yi yokdaktsü asübo yimti yimdong ajak azüa yi dokan lapoker mena lila. Itemji ajanga süidang, tai maketba tanurtem melamelaa yi noksa jagi puadoktsü aser jemnüa aittsü. Yiji yamaji jema tenzüker. Yi ajem ashir atemabo yi ya chiyongtsü tapu ka lir saka asenokibo yi ajem mashi, memesep tashi ajemer, iba jagi tangar nema timtem agütsür aser yimti ajak menenmenaka ayimtener. Iba jagi Nagaland nungbo yi meyanglur aser mayoker. Asenokbo IMFL yi agi mazük. Talisa tanü Dimapur nung aliba lokti tentetemi yi mayoktsü ozüng lateta aliba ya agiener yimjak nung yokdaktsünüba mapang mapang shia metetdaktsüba angashir. Ajisüaka, Nagaland nung yi ayoktsüba aser mayoktsüba onük nung ya tetsürtemi shilem magiba ya tesüngmangtsüka aser ya mangateter, ya akhi masü, kechiyong yi agi kibong nung tetsür nem timtem tuluba agütsür amai bilemer. Ano Nagaland nung yi ajemer tetsür aika kümogo. Item atemaji yi ayok tajungba asütsü asü mayok tajungba asütsüar, tetsür telongjemi ola kabo adoktsüla. Iba onük nung ya tetsürtem tetsüngda nung külena masü aser külena masü ta neutral nung alitsüba mapa aser mapang masü.

America lima nunga Negro nung alar mayutsü atema dang masü saka yi meyanglutsü aser mayoktsü atema mezüng ola adoktertemji tetsürtem liasü aser ano küm ishika lir külena ayoktsüla ta nokdaktertem rongnunga tetsürtem liasü. Aji oda, Nagaland nung tang tangbo yimjak nung yi ayoktsübaji onokibo kanga shisabolur ta kisüng tetsür telongjem kati metetdaktsüra, iba jagi nübortemi tetsürtem mulungjang metettsü. Ibai tanü Nagatsürtem, talisa, Aotsürtemi inyaktsüba wadang tongtibang ka lir ta bilemdi.

Ano, tang ya mozümora achiba wara agi lanurtem dak kanga sashia tonga lir. Iba yagi kibong aika nung tanurtemi tebilemstü bener aruja lir. Iba tebilemstü ajanga asenok sempet aser rongsen dang masü nütsüng kanga ajemdagi. Ibai asenok atema rongdak nungdak teinyaktsü wadang ka asütsü. Aji oda, yi aser mozü dang masü saka asenok alidak yimti nung pei temang ayoker tetsürtem aika kümogo. Item takümtem kümzüktsüabajia asenok teinyaktsü wadang asütsü.

Item yi, mozümora aser temang ayoktertem asoshi asenoki ali tuluka alir Life Restoration & Skill Academy ka lapoktsü kanga rongdak nungdaka kümogo.

Iba ama sentong tajung atemabo Dimapur Watsü Telongjem kübok aliba yimtsüng shia nungi temulunger tenla lakh kaka anana sarurbo osangkaket nung temulunger tenla atema metetdaktsü nung nisung aikati mulungsua tenlatsü. Iba Academy nung temang ayoktertemji surochiokdak aser ki mapa nung yaritepdaktsütsü aser theology aser Counselling agir alirtem den yimtak nungi molok motok ataktertem kar anir arua item mapatemji mozü mora aser yi toktsütsü amongertem dang sayutsü aser parnoki yangluba osettemji yoka parnok nungdak nung amshidaktsütsü sentong atongtsüla. Iba wadang ya meinyaki kanga sakbanga yuja lir.

Asenok lokti tentet aika lir saka asenoki lokti temenentem nungi asen nübortem kümzüktsü atema kanga süoki iabo meinyaker. Asenok kija kibong, lokti aser arogoi dena kanga temulung agüja inyakba mapa kaji ali alir bara ki yangluba aser tenla ki asüba ya lir. Ajisüaka, asenoki tanurtem takümji mozü, yi aser shi jangrabalen senzüdang menaba tashidaktem nungi mekümzükttetra, bara kidang nungi aruba senji kechi sütsü ? Aser tenla kidangji küm 77 sülen 2100 küm tamener alitsü asü malitsü ?

Mozü, yi aser HIV/AIDS tashidak ama nungi asenokbo matongtsü amai asenoki bilema alitsüa akok saka kenü asen jala mesüra asen jabaso taküm item lokti menentem jagi samatsütsü, anungji parnok mesamadang asenoki lokti temenentemji tama samatsütsüla.

Itemji tanüsa rongdak nungdaksa akoktsüba asenok Wadang südi ta ayongzüker.

Anitet 1:19 nung, tanur asodang yariteper, midwives, temi Farao chuba dang " Ibritsürtembo ljiptsürtem ama masü," parnokbo kanga tekümdang aser tekümküm, parnoki inyak ajak shia lir, parnokbo tangar teyari menügdaker, parnok dang nungi angazüktsüba ashi, parnok dang sayutsü kecha maka ta ashiba ama, Aotsürtembo tangar kintsür ama masü, awashi temetet, temang amshi tashi, achiajem nung tazüok, nüngsen masü nüngsang jembirtem, temeim mapa inyaker aser lokti nem arok ser temelenshi tajung bener arutsürtem ta chubaia jembitsüsa liangma.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Tsüngrem yimli anasa alidang temelung meyipang: Rokopra Mekro



December 09, 2023 nikongdang DDSC stadium, Dimapur nung tang tagidak tanela asentenshi sentong nung Rengma Baptist Church Choir-i ken atandang tangokba noksa nung angur.

Dimapur, Luchii/December 09 (TYO): DDSC stadium, Dimapur nung tang tagidak tanela asentenshi sentong 5nübuba (Honibar ninikongdang) nung tongti o jembirji Koinonia Prayer Centre nung pastor, H. Rokopra Mekro liasü, ta Koinonia media ministry-i metetdaksü.

Mark 1:15 Lai O nung ajemdaker jembidang pai lokti dang, Tsüngrem yimli anasa alidang temelung meyiptsü aser osangtajung amangtsü ayongzüik.

"Nü dak Yisu Khrista atema tesem lir asü?" ta asüngdanga pai, asenoki Yisu Khrista osangtajung amangra asen taküm nungi timtem ajak aienshitsu, ta ashi.

Iba sentong nung Rengma Baptist Church Choir-i ken katenali aser NPSC tatidang nung nung takok angur, Wondang Odyuo-i taküm kuli lemsatsep. Lai, takokji Kibuba nungi arur, ta ashi. Laisa la Koinonia Baptist Church nung adenba sülen Tsüngremi la dang ajungba lai ajangshi, ta lemsatsep.

Iba sentong ya Koinonia Baptist Church nung Asst Pastor, Zashkho Hibo leniba nung agia liasü.

Hokolbar nikongdang crusade nung Rev. Zotuo Kiewhuo leniba nung Tsüngrem lartemi sarasademtsüba ajanga nisung aika shi nung taneptsü ngua liasü. Parnok rongnung cancer 'last stage' agi shiranger

kata anep.

Honibar nikongdang 2:00 ako nung Counsellor tem, volunteers aser sarasadem tamangtirtem atema 'Tanela tongbang aser iba sülen amakba' onük nung seminar ka agia liasü.

Iba Crusade ya Amongnü nikongdang tembangtsü. Anepdang 10:00 ako nungi ka aser nikongdang 4:00 ako nungi sentong ka agia iba crusade tembangtsü.

Anepdang tekülem sentong nung o jembirji Medotseilieü Kiewhuo (Pastor, Koinonia Baptist Church) asütsü aser nikongdang sentong nung tongti o jembirji Koinonia Baptist Church pastor, Rev. Zotuo Kiewhuo asütsü.

ANOGO ABEN TSÜNGREM DEN

KIBUBA TENUNG NUNG

Yisui ashi - Kibuba tenung nung shiba arur pa temoatsü lir, ta nenoki mashi tashi, nenoki mangutsü. Luke 13: 35

Asen arogo nung tsürapur ka temang timtem ajurua mozüki bushia liasü. Iba mapang pa ashoshi sarasademtsütsü asoshi sarasadem meshia prayer box nung lemsatsep. Ita ka lir külen sarasadem langzüba tenungsang shiti aru aser iba temoatsü taküm küli den arogo nem Tsüngrem tenungsanga tenla tulu bena liasü.

Shirnoki kibuba nung ajar pa temoatsü shi nung dang masü saka tanela ajangzüksü koda tepelatsü. Pauli Filipi shiti nung ashiba ama kechiaser ni asoshi taküm alibaji khrista, aser tasütsüji tajangzüik Filipi-1:21

Kibuba ji dang asen teyimla, kibubaji dang asen tekümezüker ta mashi tashi asenoki taneptsü aika bushia ka shi nunga, tanela nunga lai-i ashiba ama mangutsü. Taküm tia ajak nung Tsüngrem dang shiteta jajaa, amangtetra na aser ni moatsütsü lir.

SARASADEM:

Tanüa anogo ka tenzükdang rata-a masü saka kibuba tenung nung tia ajak bendanga agütsür jajatetsü ni yariangma. Amen.

Taoba mapang SBC Tir, Steve Gaines dak cancer tashidak putet



Pastor Steve Gaines

United State nung Protestant denomination tulutiba Southern Baptist Convention nunga 2016 küm nungi 2018 küm tashi Tir inyaka liasü.

Gaines-i, "Parnoki kü tezüngjang nung cancer putetba sülen tesüiba hopta ana tashi tetandangba balala agia liasü. Item tetandangba ajanga cancer ji kü tepokpok nunga prokshio go ta putetogo," ta metetdaksü.

"Kü nem treatment tajungtiba agütsütsü atema doctor tem team tajung ka lir. Ajak dak alia onoki taneptsü angutsü atema Kibuba Yisu Khrista dak tamang akar," ta pai metetdaksü.

Paisa tesüiba hopta ana tashi pa nungita yarirtem, pa atema sarasademtsürtem aser lumia sarasademtsür ajak dang pelaba lemsatsep.

Kasa video nungji Gaines kinüngtsü, Donna-i, tan hopta pa kinüngbu dak 'chemo port' inoktsü aser tekeratiba nung chemotherapy agitsü, ta metetdaksü.

"Pa dak aliba cancer tapu anema mozü asem agütsüba ajanga mapa inyakba agi doctor tem kanga ajungmesoogo. Onoki Kibuba dang nungi teyari meshiba aser Pa sentsü wangshidaktsüba mapang nung maneni onok

atema sarasademjang," ta laisa metetdaksü.

Taruba ita Gaines Houston, Texas-i oa MD Anderson Cancer Center nung treatment agitsü.

Gaines dak iba tashidak putetyonga pai tenzükba wadang nungi anentsü tebilemba mali.

Bellevue Baptist Arogo indang X ajanga Arogo züngsemtem dang, "Taruba Amongnü Steve-i sabang nungi jembitsu. Pa atema sarasademjang," ta metetdaksü.

American Cancer Society-i 2012 küm nungi 2018 küm tashi nung tezüngjang nung cancer putetertem dak study agiba ajanga yamai bushitet-tezüngjang nung cancer tashidak putetertem dak cancer ji tepokpok, tokolok mesüra teret nunga prokshir, aser parnok rongnung shilem 15 bo ano küm pongu shi arrshia alir.

Gaines ya tesüiba küm 20 jungnüa Bellevue Baptist Arogo nung pastor inyaker. Iba jakdang pa Texas, Tennessee aser Alabama nung aliba Arogo balala nung küm 20 dak tema pastor inyakogo.

Gaines aser kinüngtsü na kibong kümer küm 44buba lir. Tena tanur pezü sosema lir aser semchir 18 lir.

Chhattisgarh nung Khristantem tekülem tagidak mapang lokti kati amak

December 09, 2023: tasakba dang akümer," Taoba hopta ta metetdaksü.

Chhattisgarh state nung Khristan kati, "Oda Khristantem tekülem oda liabo state nung sentong tagidak mapang Khristantem alitsü tasak Hindu yimsü alia asütsü, kechiyong tawa amanger telok kati state assembly election amakdang Khristan aika nung Hindu pusemba yiruogo, ta International yimtenren party-i takok Christian Concern (ICC)- ngua maneni sorkar i metetdaksü. akümtsü. Khristantem

Amongnü, December kanga shisabulur," ta 3 anepdang Khristantem ashi. Tenla kidang tekülem December 3 nü Tenla sentong tagidak mapang ki amakba sülen Pastor Hindu nungertemi Tenla Rajendra-i ken o kidang osettsüset benoktsü merang saka raksatsü aser ketdangsertemi Khristantem aika magizük. Iba dak alia yirutsü. aibeleneritem anema

Pastor Rajendra iba kecha meinyak. Arogo nungji küm aika 2023 küm tenzüker inyaka arudar. Hindu tang tashi nung nungertemi Khristantem Chhattisgarh nung tekülem sentong agiba Khristantem anema nokdangtsü merangbaji inyakba tatalokba pa atema tang tasen 143 lir. State nung masü. Khristantem sendokba

Iba Arogo nung tatalokba 35 lir aser tangartem Khristan Khristantem tasü mang yimsü dangi aremtsü memelaba meyipdaksür, ta tai tatalokba 20 lir.

tonglokja Hindu nung India nung telok balala iba Tenla kiji Khristantem anema shibangdaksüner. inyakba tatalokba

Osangbener den teimba aliba state ji jembidang Pastor-i, "Iba Uttar Pradesh lir, iba area nung Arogo nung sülen tanabubaji inyaksü tasakba- Chhattisgarh lir.

**AO OSHI ANGAZÜKDAK:
TANÜ ANGAZÜKTSÜBA OJANG**



Sentiatang

(n) asür tanela aoba lenmang (path taken by souls after death)

* Sentiatang atongdang dang asür o akümlir na pilar ta jembir.

Sentok

(v) maginüi toktsü, mezüngok (cast off, abandon)

* David adianutemi pa maginüi sentok.

OLONG PAITEP # 6639

1			2		3		4		5
6		7							
					8				
9				10					
						11			
			12						13
	14							15	
					16				
			17						
								18	
19									

TIPIEN

- 2. Teburtemi tejak nung awaba - (8)
- 6. T___em - (3)
- 8. Tzüak ayudak - (3)
- 9. Nüngdakba dang timba - (6)
- 11. Züina ao - (4)
- 12. Yangi tzü angur - (5)
- 14. Tangar dang nungi tali - (4)
- 16. Senyong masü - (6)
- 17. Oadokdi - (3)
- 18. Tzü tarok - (3)
- 19. Yimtaklir aikati iba ya ki den külemi yanglusemer - (8)

LANGTSÜNGLEN

- 1. Temejangdak - (6)
- 3. Nisung ka mapa inyaksü nübo - (4)
- 4. Azüntsü asoshi mejemba - (6)
- 5. Tesangwa agütsüba - (5)
- 7. Tila masü - (4)
- 10. Tebenjem tetsür chanu - (4)
- 11. Tekolak nung inok - (4)
- 12. Tetsüngda - (6)
- 13. Tangar inyakba ka inyak - (6)
- 14. Tim masü ta ashi - (5)
- 15. Asalendong - (4)
- 16. Tanü dangtsü - (4)

OLONG PAITEP # 6638 TELANGZÜBA

TIPIEN :

- 3. Alizüng, 5. Jahaz, 6. Obang,
- 8. Liku, 9. Medemer, 14. Wain,
- 16. Yimra, 17. Arogo, 18. Osemlok.

LANGTSÜNGLEN :

- 1. Ojang, 2. Shilem, 4. Zübu,
- 7. Nao, 10. Renlok, 11. Tai,
- 12. Molok, 13. Arem, 15. Alak.

NAI-A YA METETTER MA



Ayodhya nung yangluba Ram Mandir nung sanctum sanctorum noksa angur. Iba noksa ya Sri Ram Janmabhoomi Tirath Kshetra Trust-i December 8, 2023 nü yimjak nung lemsatapa liasü. Iba sanctum sanctorum nung Lord Ram indang süngyangu ayutsü aser ketdangsürtemi sangküm January 22 nü Ram Mandir lapoktsü atema kanga dang meranga mapa inyaka arudar.

Manipur nung kaketshir ka kümzük; nisung 8 apu

Imphal, December 9, 2023

(Agencies): Honibarnep Manipur police-i kaketshir ka kümzük aser pa pur aoba nisung 8 apu.

Yumnam Huidrom yimtsüng nung mita aodang police-i nisungtem den prangpong-injangtem apu.

DM College of Science, Imphal nung azünger Laishram Chinglen pur ao ta tebu Laishram Shyamchand-i Imphal West District police tsüngdang ken o benokba sülen police-i search & rescue operation tenzük.

Hokolbarnü nisung telok kati hostel room nungi Laishram Chinglen pur ao.

Kaketshir ya Bishnupur district kübok Ngaikhong Siphai nung lir.

Iba mapang police-i kaketshir kümzük aser pa pur aor Kwairakpam Rajen, Sukham James, Moirangthem Jit, Taorem Rohit, K Hemjit, Sandam Romen, Khagenbam Dayananda aser Sarungbam Umananda nung den prangpong-injangtem puogo.

Iba osang angashiba sülen tetsür telok ka Imphal West District Police station nung adenshi aser parnoki nisungpurtem chioktsü takhangba agütsü.

Parnok anema FIR ka benoka lir anungji parnok okadaki anir aotsü ta Superintendent of Police, Imphal West-i tetsürtem dang ashi.

SP-isa lungkak aitba tetsürtem dang bail applications meshitsü ashi ta tetsür tanishir kati ashi.

DIMAPUR AKHOYA SENSO TELONGJEM LUCKY DRAW RESULT

(In aid of Akhoya Community Building Construction)
Draw Date: 9th December 2023

- 1st Prize : 1308
- 2nd Prize : 0883
- 3rd Prize : 1679
- 4th Prize : 2162, 0165, 0735, 1494, 0465
- Consolation Prizes : 0105, 2349, 1267, 1263, 1881,1354, 0506, 1622 2029 0640

Note : Prizes are to be claimed within 10 days by producing original tickets.

Convenor,
Fund Raise Committee
700514549723



INVITATION

The President and the members of MDBA under the aegis of MDSK and NBA have the pleasure to invite you to the

Inaugural Program

12 DECEMBER 2023 @ 11:00 A.M.

and then the

Closing Program

15 DECEMBER 2023 @ 3:00 P.M.

of the

Li Ning Northeast Invitational Badminton Tournament 2023

Venue

MOKKCHUNG DISTRICT BADMINTON ASSOCIATION INDOOR STADIUM,
IMKONGMEREN SPORTS COMPLEX, AONGZA WARD, MOKKCHUNG.

TOURNAMENT PARTNERS



24TH Hornbill Festival 2023

DAY 10

MORNING - 10:00 AM

HOST
MR. ZHALEO RIO
ADVISOR, URBAN & MUNICIPAL AFFAIRS

CO-HOST
MR. Y.MHONBEMO HUMTSOE
MLA

TRIBAL GUEST
KIEHANGSING THOU
ZELIANG

SCAN FOR HORNBILL SCHEDULE

AFTERNOON - 1:00 PM

HOST
MR. Z. NYUSIETHO NYUTHE
ADVISOR

CO HOST
MR. A. NYAMNYEI KONYAK
MLA

MR. Y. MANKHAO KONYAK
MLA

CHIEF GUEST
RANJEET KUMAR DASS
HON'BLE MINISTER PANCHAYAT & RURAL DEVELOPMENT,
FOOD, PUBLIC DISTRIBUTION AND CONSUMER AFFAIRS,
LAW & JUSTICE, GAD, ASSAM

US, South Korea, Japan nungeri linüktem dang North Korea indang nuke program azüoktsü ayongzük

Seoul, Luchii/December 9 (Agencies): United States, South Korea aser Japan national security adviser temi Honibarnü sangdong ka ajanga, North Korea-i nuclear hadirtem aser missile tem yangluba aser tanga linüktem den military tesendaktep ayuba azioktsü atema alima kintem ayongzükogo.

Kümtem tsüingda Korean Peninsula nung tang tensa tamajungtiba aliba mapang Seoul nung iba senden menogo. North Korea lenir Kim Jong Un-i nuclear aser missile program tem atsülanshiba mapang ka lir aser nuclear hadirtem amshitsü amokmerena arudar.

United States aser Asia nung parnok den sendaktepa aliba linük ana tesendaktep tali takangba yanglushia parnok longjemer military exercise tem aika ayongzüka agia arudar, koba Kim-i parnok amaktsü asoshi renemshiba ka ta shi aija arudar.

Senden tembangba sülen osangbenertem den sensaksemba mapang Cho-i ashiba agi, security adviser aseme U.N. Security Council bangzüng kübok North Korea denuclearization aser tanga linüktem den prangbong injang aser hadir balala shishilemba masütsü asoshi latetja aliba maneni benoktsü atema bangjema liasü.

"Onoki U.N. Security Council bangzüng metsüngareta benoktsü atema linük asem tesendaktep tali akangshitsü asoshi mulungtepogo," ta Cho-i ashi.

Cho-isa, taoba ita North Korea-i parnok indang spy satellite yokba dak sendakba nung South Korea, U.S., Japan aser Australia-i tenokangba

balala agütsüba atema parnok aseme tenüngsang agütsüogo, ta ashi.

North Korea-i ashiba agi, US aser South Korea military inyakym meita atatsü aser parnok indang nuclear-capable missile tem tali ajungketshitsü atema spy satellites yoktsüba ya parnok temeden lir.

Washington, Seoul aser Tokyo-isa, Russia aser North Korea na tsüingda prangbong injang aser hadir balala shishilemba alitsü ta süoki ia bilemba lemsatepogo. Ukraine den rara mapang North Korea indang nuclear-armed military ajungkettsü atema Russian technology teyari melena North-i Russia tir Vladimir Putin nem kanga dang nüngdaka aliba hadirtem agüja alitsü ta shisabulua bilemer.

Senden amenba sülen U.S. national security adviser Jake Sullivan-i ashiba agi, defence tsütsü tesendaktep akangshitsü asoshi Seoul aser Tokyo na den Washington-i inyaksangshidar. Paisa, North Korea-i missile tendangba aser satellite amala yokba dak sendakba nung telangzüba tajungba agütsütsü atema inyaksangshidar, kong North Korea-i missile tendangba indang osangtem lemsateptsü asoshi December ita nungi sentong ka tenzüksü aliba densema lir, ta ashi.

Sullivan-i ashiba agi, parnoki North Korea indang cybercrimes, cryptocurrency money laundering aser U.S.-i anir alima kintemi tenokdangba agütsür aliba paitoktsü merangba dak sendakba nung telangzüba agütsütsü.

Sullivan-i, Hokolbarnü South Korea indang national security office director, Cho Tae-yong, aser Japan indang national security secretariat secretary

general, Takeo Akiba na dena senden ka menogo.

Maneni pai South Korea tir Yoon Suk Yeol dena ajurutepogo.

Hokolbarnü Sullivan aser Akiba na den ajurtepa mapang Yoon-i ashiba agi, August ita U.S. tir Joe Biden aser Japan Ato Kilonser Fumio Kishida na den Camp David nung summit ka akaba dak ajemdaker linük asem maneni renlokyonga aotsü kanga tongtibang, kong security aser rongsenketzüng nung tesendaktep akangshitsü atema nangzüktepogo.

South Korea tir office sangdong ka ajanga ashiba agi, 2018 inter-Korean military tenangzüktepba kari agintsü asoshi South-i telemetba agiba Sullivan-ia pusemogo.

Hokolbarnü senden amenba mapang Cho aser Akiba nati North Korea indang nuclear aser missile program dak sendakba nung jenjang agitsü asoshi inyakym atsülangshitsü atema sensaksema liasü.

U.S., South Korea aser Japan national security adviser tem tesüsa June ita Tokyo nung senden ka mena liasü.

U.S., South Korea aser Japan nuclear envoy tem North Korea dak sendakba nung sensaksem balaka akatsü atema Tokyo nung ajurutepa sülen tang iba senden ya menogo.

r Zelenskyy-i, linük yimtiba amakba ya kiralongrar inyakym ka lir ta Telegram app ajanga ashi. "Parnoki nisung tepsetteter ta asüba yagi Russia nunger lenirtem nema adanger," ta tir-i ashi.

Kyiv ya Iran nung yangluba Shahed kamikaze drone tem amshia amak. Honibar anepdang züngia Kyiv kübok district balala amak tenzük aser anü atokba sülen ano drone aika yoka maka liasü

Molungnen O



Onok **ASÜR MERENCHILA'er (KHENSA)** kinungertemi, medemer, Arogo, lokti tentet, kidanger, kinungertem aser temeimertem kwinakati onok temeim ojala iba lima toktsür aoba anogo onok dang temeim sayuba den sarasadem aser lenla balala nung onok nongita yariogo, nenok ajak dang kanga pelaba lemsateper. Nenoki tsüngtong arua asükhü lemsatepba den sarasadem, nübu, rongsen aser temulung anisüngzüktsü o lemsatepba ajanga onok sunepstüogo aser iba mangyimjashi khuret ajangtetsü asoshi teyari agütsüogo.

Onoki nenok ajak dang mejeta pelaba melemsatetaka tulusang Tsüngremi nenok ajak molamoshia moajang ta onok sarasadem.

Temeim kinungertem.

SÜR KÜM KA AJUNGBA

MENUNGRA BILEMTETER

O IMTIKUM AO

21st Sept. 1937 - 10th Dec. 2022



Asür **O Imtiakum Ao** sür küm ka ajungaba anogo amungba mapang onoki pa taküm benjunger, shibai onok mulung lenlang balala nung kanga kongshiogo. Tanü onoki pa temulung shiranga masü saka pai onok dak kongshiba atema tepela aser tenüngsang agüja amunger.

Tanaben majurutep tashi.

Temeim kinungertem aser temeibatem.

US-i ceasefire atema bangzüng magizükba sülen Iran-i tekümdangtsü metetdaksü

Tehran, Luchii/December 9 (Agencies): Gaza rara anendaktsütsü atema UN Security Council bangzüng ka United States-i magizükba (veto) sülen, Iran-i Honibarnü Middle East nung tesa mazüokteti akümtsü ta tekümdangtsü metetdaksüogo.

Islamic republic ketdangsur Hossein Amir-Abdollahian-isa, Gaza Strip-i teyari balala bener yoktsü atema Egypt den Rafah border crossing tangsa tang lapoktsütsü atema mepeshia metetdaksüogo.

Iran-i teyari agütsüba Palestine Islamist militant telok Hamas puri October 7 nü ajungbena Israel maka nisung 1,200 shi tepset aser nisung 240 tashi pur oa liasü. Asürtem ya

timba civilian tem liasü.

Iba tatalokba sülen Israel-i Hamas pur samatsütsü nangzük aser Gaza amak tenzük. Hamas-i yimsü asüba Gaza indang health ministry-i ashiba agi, tang tashi nung nisung 17,400 dak tema tepsetogo aser asürtem timba civilian tem lir.

Hokolbarnü United States-i Security Council indang bangzüng ka magizük, koba ajanga Gaza nung rara anentsü asoshi ayongzük lila. US-i ashiba agi, iba bangzüng ajanga October 7 nü ama tanaben inyaksangshitsü asoshi Hamas nem lenmang lapoktsütsü.

"America-i Zionist regime (Israel)-i özüng alema inyaksangshiba pusem tashi aser rara maneni ora iba tesem

nung tensa mazüokteti akümtsü," ta Amir-Abdollahian-i, UN Secretary-General Antonio Guterres dang phone ajanga ashi.

Iran foreign minister-isa, UN Charter kübok Article 99 amshitsü atema UN tekolakbai telemetba agiba atema pa nem tenüngsang agüja liasü.

Israel aser Hamas na hopta ka rara anena ataba sülen Decembr 1 nü nungi ano rara tenzükogo. Israel-i ashiba agi Hamas-i nangzükba ama inyaksangshi masü.

"Israel-i ashiba agi, Hamas-i ceasefire anema inyaksangshi, koba tai lir," ta Amir-Abdollahian-i Guterres dang ashiba den US-i Israel pusemba ajanga ceasefire mebenokteter ta shisem.



December 8 nü Israel-i Lebanon kübok Kham tesem amakba sülen mokozü adokba noksa nung angur. Hokobarnü Lebanese-Israeli arrtsü nung raratepba sülen Hezbollah züngsem pezü aser Palestinian Islamic Jihad (PIJ) movement züngsem ana tepseta liasü.

Ashwini-Tanisha na Guwahati Masters final-i iogo



Luchii/December 9, 2023 (Agencies): India tsür Tanisha Crasto aser Ashwini Ponnappa nati tang asaya aliba Guwahati Masters super 100 badminton tournament nung maneni kanga junga asaya Honibarnü final-i iogo.

Second seed India nung tarap ya taoba hopta Lucknow nung Syed Modi International Super 300 tournament nunga runners-up liasü aser Honibarnü semifinal nung tenati Netherlands tsür third seeds Debora Jille aser Cheryl Seinen na 21-12 21-12 agi minute 36

nung koka liasü.

Tanisha aser Ashwini na tanabuba semifinal shirnoki kokdir parnok den Deobarnü final asayatsü.

Ajisüaka tetsür kija asaya nung Malvika Bansod-i semifinal majangtet tsükogo. La Thailand tsür Lalinarat Chaiwan-i 12-21 14-21 agi koka liasü.

Kasa mapang nung tarap temeyoktep asaya nung Tanisha aser Dhruv Kapila na 18-21 15-21 agi Singapore nung second seed tarap Hee Yong Kai Terry aser Tan Wei Han Jessica nati kokogo.

Maneni tebur tarap asayar Hariharan Amsakarunan aser Ruban Kumar Rethinasabapathi nata semifinal nung Chines Taipei nung tarap Lin Bing-Wei aser Su Ching Heng nati 10-21,19-21 agi kokogo.

Tanisha aser Ashwini nati Lucknow nung asayaba ama Guwahati nunga asaya nung tetsükdaktsütem aika ajangeter final tongogo. Semifinal ya tarap anapronglai kanga junga asaya tenzük.

Asaya nung India tsürta ana ya 3-1 agi tejakdang liasü aser 6-4 ta akümba sülen break tashi nung 11-10 ta tena point ka agi timba liasü. Asaya tenzükshiba sülen Ashwini aser Tanisha nati tajungba asayateta 21-12 agi mezüngbuba game koka liasü.

Tanabuba game nunga Ashwini aser Tanisha nati tetenzük nungi kanga junga asaya aser 6-1 ta tena tejakdang sür asayaba sülen break tashi nung 11-4 liasü.

Dutch tsürta ana yagi kanga meranga asayadang ajsüaka point kanga pilatoker aliba ajanga memeneipi India tsürta ana yagi asaya 21-12 agi koka liasü.

1buba Immakmangyang Table Tennis Memorial asayamung akar



Mokokchung, Luchii/December 9 (TYO): Tongpangsanger Club Chuchuyimlang-i ayongzuka taküm mezüngbuba Immakmangyang Memorial Table Tennis tournament Chuchuyimlang yimdek Dec 9 nungi tenzuka asayadar. Iba asayamung nung Aienla Jamir BDO, RD Block Tuli tongti tesemdang liasü. Tanep iba sentong metenzükdang tongti tesemdang Tongpangsanger Club indang wako meraketa songa yutsü.

Tongti tesemdang iba sentong nung jembidang, saisapong ajanga dang nisung ka taküm libaliro tazüokba kümdaktsür aser saisapong ajanga nüburtem tsüingda yimjung aser telungjem adokdaksür, ta ashi.

Tetoktepa ya akokba makokbaji tongtibang masü, saka iba dang alia lir. Shilem

agiba nela, angazükba den tongtibangsa saisapong ka ama yimya benshibaji lir, ta lai ashi.

Aienla Jamir BDO ya Asür Immakmangyang'er semchir ka lir. La tebou nungtem iba asayamung ya ayonga akar. Asür Immakmangyang ya Chuchuyimlang nung rongnung lenla balala nung mezüngpur ka lir. Pa akümlidang pai yimer tejakleni anitsü asoshi lenmang balala nung shilem tulu agiba nübu ka lir.

Iba asayamung ya taküm mezüng tenzük asünung asaya telemsa malitsü, saka yimer senso aser Chuchu town sanger atema open sütsür. Tetsür 6 aser tebur 42-i iba asayamung nung shilem agitsü, ta tayongertemi metetdaksü. Tarutsü nung asaya telemsa tabensa nung iba asayamung ayongtsü tayongertem mangdang lir.

Wrestling Federation elections Dec. 21 nü agitsü

Luchii/December 9, 2023 (Agencies): Wrestling Federation of India (WFI) elections December 21 nü agitsü aser kasa anogo result sangdongtsü, ta election ketdangsürtemi Honibarnü metetdaksü.

Returning officer, Justice (ret'd) MM Kumar indang office sangdong ka ajanga ashiba agi, election, vote azüingba aser result sangdongba inyakim ajak anogo ka nung dang agitsü.

Iba election ya Special General Body Meeting mapang agitsü aser inyakim ajak tenzükshitsü ta bilema aliba ama masü saka August 7 nü electoral list dak ajemdaker agitsü.

"Candidate tem final list yanglua sayaba inyakim ajak

August 7 nü tembangogo aser vote agütsüba, vote azüingba aser result sangdongba amala inyakimtem dang anunga lir," ta returning officer-i sangdong ka ajanga metetdaksü.

"WFI election ya Punjab aser Haryana High Court-i election agitsü anogo ka lia 11.08.2023 nü sota liasü, anungji election ya 12.08.2023 nü magitet.. Supreme Court-i iba stay orders ya agitsüogo, anungji tanungba inyakimtem ajak tang yanglushir aliba mapanglem dak ajemdaker 21.12.2023 nü agitsü," ta kasa sangdong ajanga metetdaksü.

Election agitsüba anogo aiben thinenba sülen Supreme Court-i tawa Punjab aser Haryana HC nati obendang

agütsür aliba agintsüba ajanga WFI election agitsü atema lenmang lapoktsüogo.

IOA-i tentetsüba ad-hoc panel ya Wushu Association of India tekolakba Bhupender Singh Bajwa lenisüba nung inyaksangshia arudar. Sports ministry-i sexual harassment ken o dak sendakba nung association tir Brij Bhushan Sharan Singh mapa nungi anentsüba sülen ad-hoc panel yagi WFI inyakim ajak achaayanga arudar.

Election inyakim ya July ita tenzük, ajsüaka okadak ken o balala benoker aliba ajanga thinena aruogo. Election menoa magiba ajanga international federation, United World Wrestling-i WFI suspend sütsüogo.



Bukit Jalil, Kuala Lumpur kübok National Hockey Stadium nung Honibarnü Men's Junior World Cup nung India-i goal 10-1 agi Canada koka quarter final-i iogo. Iba asaya akokba sülen India team Pool C nung tanabuba jenjangi tuogo.

Nick Australian Open nung masayatsü

Luchii/December 9, 2023 (Agencies): Nick Kyrgios temang tajungba makümba ajanga Australian Open nung shilem magitsü atema telemetba agiba Honibarnü sangdongogo. Iba telemetba agiba ya kanga temulung raksatsüka ta pai shiogo.

Kyrgios ya taküm January ita temekok surgery agi aser Wimbledon nungi tenzuka asayatsü sentong liasü, ajsüaka tekanük yiruba ajanga masayatetsü aküm.

Pa ita pongu tashi masayai lir June ita Stuttgart Open nung asaya ajsüaka pa mezüngbuba round nung China nung asayar Wu Yibing-i tsükdaksü.

Pai taoba ita ashiba agi, pa January ita kidang Grand Slam asayatetsü masayatetsü mejangja aser Honibarnü pa masayatetsü ta osang agütsüogo.

"Kanga dang tezüdangtsüka saka ni 2024 Australian Open nung masayatetsü," ta Kyrgios-i subscription website OnlyFans

ajanga metetdaksü, kong pa content creator ka ama taoba hopta denogo.

"Temulung kanga raksar. Ni iba asayamung nung jangaradema asaya arudar aser ni maneni asayaner saka ano mapa tatsüka agitsü.

"Ni taküm AO nung masayaka ni iba asayamung dak sendakba nung shilem balala agitsü," ta pai shisem.

Arishi küm 28 tain asayar ya tetsüng yiruba ajanga French Open nung masayatet aser tekanük yiruba ajanga Wimbledon nunga masayatet aser kasa tebilemtsü aliba ajanga U.S. Open nunga shilem magitet.

Taoba ita Kyrgios-i ashiba agi, pa atema nükjidong tulutibaji Grand Slam ka akoktsü asoshi lir. Pa 2022 küm Wimbledon final tonga asaya saka Novak Djokovic-i tsükdaksü.

Australian Open ya January 14 nungi 28 tashi Melbourne Park nung asayatsü aser Aryna Sabalenka o Djokovic na iba asayamung defending champion lir.

BILEMDANGANG

"Anogoshia langka tasen angazüktsü merangang."